

Memperkasa tradisi kembali menyumbang

← Dari V27

Sumbangan alumni kepada alma mater atau universiti masing-masing adalah dalam pelbagai bentuk dan tidak terhad untuk sumbangan kewangan semata-mata.

Pengarah Pusat Alumni Universiti Putra Malaysia (ACUPM), Prof Dr Hazandy Abdul Hamid, berkata masih ada dalam kalangan alumni beranggapan fungsi alumni semata-mata sebagai pemberi sumbangan yang diwajibkan oleh pihak universiti adalah tidak benar sama sekali.

“Setiap alumni melalui pengalaman berbeza sepanjang bergelar pelajar universiti dan pastinya golongan ini mempunyai potensi untuk kembali menyumbang kepada universiti dalam cara serta skala yang pelbagai.

“Sebagai orang tengah yang mendekatkan alumni dan universiti, kami menekankan konsep memberi kembali atau tradisi menyumbang,” katanya ketika ditemui di Pusat Alumni UPM, baru-baru ini.



[FOTO ROSELA ISMAI / BH]



Prof Hazandy Abdul Hamid

Graduan selepas menamatkan pengajian di UPM boleh mengisi borang untuk menjadi ALUMNI UPM di Pusat Alumni UPM.

Prof Hazandy berkata, UPM sudah melahirkan lebih 200,000 graduan, termasuk bekas pelajar Sekolah Pertanian sebelum ditukar nama ke Universiti Pertanian Malaysia dan kini UPM.

Katanya, pihak ACUPM berjaya menjelak lebih 120,000 alumni dalam dan luar negara melalui pelbagai sumber serta aktiviti yang dijalankan.

“Satu daripada insiatif

utama ACUPM adalah menubuhkan program Tracing Alumni for Collaboration and Engagement (TRACE) yang dijalankan pada tahun 2014 sehingga kini.

“Program TRACE adalah bagi mengesan dan menjelak alumni di serata dunia melalui organisasi seperti badan kerajaan, swasta dan pertubuhan bukan kerajaan (NGO).

“Pendekatan ini juga sebagai langkah mewujud-

kan hubungan strategik yang berterusan antara alumni dan universiti, seterusnya kembali menyumbang kepada pembangunan serta kecemerlangan pada masa depan,” katanya.

Pelbagai inisiatif

Prof Hazandy yang dibantu oleh 17 kakitangan bagi menggerakkan inisiatif ACUPM, berkata program TRACE juga menyediakan landasan menyumbang

kembali alumni ke alma mater, selain membawa perkembangan UPM kepada alumni.

“Kebolehlihatan sebuah universiti bukan sekadar promosi sedia ada tetapi juga melalui alumni. Walaupun kita sudah menjalankan program TRACE di beberapa jabatan atau syarikat terbabit, pegawai ACUPM akan memperluaskan carian melalui rakan alumni lain,” katanya.

Mempunyai lebih 10,000 pengikut di akaun media sosial Facebook Pusat Alumni UPM ACUPM turut melancarkan *Alumni Passion and Compassion Initiative*.

Prof Hazandy berkata, dana yang diterima melalui aktiviti atau sumbangan alumni akan dibahagikan melalui inisiatif seperti Tajaan Alumni, Kempen 1Alumni 1Sumbangan Ringgit (1A1SR), Alumni Endowment, Biasiswa Alumni dan Pengumpulan dana (Crowdfunding) Alumni.

Berbalik kepada fokus utama untuk membentuk golongan alumni yang dapat menyumbang kembali kepada universiti, inisiatif yang dijalankan oleh ACUPM adalah turut membantu dalam pengurusan kewangan pelajar yang memerlukan.

“Pengumpulan dana amanah yang diberikan ini juga dilihat sebagai satu daripada mekanisme bantuan dalam usaha mempertingkatkan kecemerlangan pelajar UPM,” katanya.